

# Pravila nagradne igre za postojeće i nove korisnike Mastercard kartica Addiko Bank d.d. Sarajevo, fizičkih lica

Na osnovu Zakona o igrama na sreću (Službene novine Federacije BiH br. 48/15 i 60/15) i Pravilnika o sadržaju pravila, uslovima i načinu priređivanja nagradnih igara (Službene novine Federacije BiH br. 30/16) i Člana 37. Statuta Addiko Bank d.d. Sarajevo, Uprava Banke, dana 14.05.2019. godine, donosi:

Pravila nagradne igre za postojeće i nove korisnike Mastercard kartica Addiko Bank d.d. Sarajevo, fizička lica

## I ORGANIZATOR

Organizator nagradne igre za postojeće i nove korisnike Mastercard kartica Addiko Bank d.d. Sarajevo (u daljem tekstu: Nagradna igra) je:

Addiko Bank d.d. Sarajevo  
Trg solidarnosti 12  
71 000 Sarajevo  
Šifra djelatnosti: 65121  
JIB: 4227149610005  
PDV: 227149610005

## II SVRHA NAGRADNE IGRE

Addiko Bank d.d. Sarajevo (u daljem tekstu: Banka) Nagradnu igru organizuje u cilju aktivacije postojećih i novih korisnika Mastercard platnih kartica za fizička lica (u daljem tekstu: Kartica), odobrenih od strane Addiko Bank d.d. Sarajevo (u daljem tekstu: Banka).

## III TRAJANJE NAGRADNE IGRE

Nagradna igra počinje 01.06.2019. godine u 00:00h i traje do 30.09.2019. godine u 24:00h.

## IV USLOVI UČESTVOVANJA U NAGRADNOJ IGRI

U Nagradnoj igri mogu učestvovati postojeći i novi korisnici Mastercard platnih kartica za fizička lica, izdatih od strane Addiko Bank d.d. Sarajevo, državljani Bosne i Hercegovine, sva fizička lica sa prebivalištem na teritoriji Federacije Bosne i Hercegovine (u daljem tekstu: Učesnici) kako slijedi:

Postojeći klijenti, imaoci Kartica te novi klijenti, kojima će Mastercard platna kartica za fizička lica biti izdata u periodu trajanja Nagradne igre, a koji naprave najmanje 5 POS transakcija Karticom, u toku jednog mjeseca. POS transakcija podrazumijeva plaćanje Karticom, na prodajnom mjestu u zemlji ili inostranstvu. Pravo na učešće u Nagradnoj igri imaju isključivo klijenti, Učesnici Nagradne igre, koji se na dan izvlačenja nalaze u A kategoriji otplate svih svojih kreditnih zaduženja u Addiko Bank d.d. Sarajevo.

Pravo na učešće nemaju osobe zaposlene kod Organizatora, kao ni zaposleni Banke i sestrinskih firmi, te članovi njihove uže porodice.

## V FOND NAGRADA

Banka je osigurala 4 nagrade u ukupnom iznosu od 9.700 KM (slovima: devetstotina i sedamstotina KM). Ukupan fond nagrada Nagradne igre je podijeljen u 3 (tri) jednake mjesečne nagrade i 1 (jednu) glavnu nagradu, kako slijedi:

- **1 (jedna) mjesečna nagrada za juni:** poklon vaučer za kupovinu roba i usluga, vrijednosti 900 KM (devetstotina KM)
- **1 (jedna) mjesečna nagrada za juli:** poklon vaučer za kupovinu roba i usluga, vrijednosti 900 KM (devetstotina KM)
- **1 (jedna) mjesečna nagrada za avgust:** poklon vaučer za kupovinu roba i usluga, vrijednosti 900 KM (devetstotina KM)
- **1 (jedna) Glavna nagrada:** poklon vaučer za nagradno putovanje, u vrijednosti do 7.000 KM (sedamhiljada KM).

Banka se obavezuje osigurati nagrade te izmiriti obavezu poreza na dobitak proizašlu dodjelom nagrade dobitniku.

Dobitnik mjesečne nagrade nagradni vaučer može koristiti isključivo za plaćanje roba i usluga u zemlji i inostranstvu i ne može ga zamijeniti za novac, a dobitnik glavne nagrade - poklon vaučer za nagradno putovanje može iskoristiti za putovanje po izboru, a u vrijednosti aranžmana do 7.000 KM. Učestvovanjem u ovoj nagradnoj igri Učesnici su saglasni da se, ako postanu dobitnici nagrade, njihovo ime i prezime, prebivalište i fotografija mogu od strane Banke objaviti ili koristiti (bez

naknade) u štampanom, zvučnom, foto i video obliku, a u cilju promocije Nagradne igre te će u svrhu iste, u skladu sa važećim propisima o zaštiti ličnih podataka, biti potrebno prethodno ishoditi i pismenu saglasnost dobitnika za navedeno.

## VI NAČIN IZVLAČENJA DOBITNIKA NAGRADA

Komisija sastavljena od najmanje 3 zaposlenika Banke će obaviti izvlačenje dobitnika Nagradne igre elektronskim putem, metodom slučajnog uzorka, pratiti regularnosti izvlačenja, tj. ispravnost, tok i način nagradnog izvlačenja. Nagradno izvlačenje će biti obavljeno na način kako je definisano u Članu IV ovih Pravila, a nagradni fond u vrijednosti 9.700 KM, biti podijeljen na četiri izvučena Učesnika, na način da je prvi izvučeni Učesnik (u svakom od sljedećih mjeseci: juni, juli i avgust) dobitnik poklon vaučer za kupovinu roba i usluga, vrijednosti 900 KM, dok će dobitnik Glavne nagrade biti prvi izvučeni dobitnik poklon vaučera za nagradno putovanje, u vrijednosti do 7.000 KM. Dobitnik glavne nagrade ima pravo istu iskoristiti za porodično putovanje (do 4 osobe unutar istog domaćinstva). Jedan dobitnik u nagradnoj igri može biti izvučen najviše 4 (četiri) puta, kao dobitnik 3 (tri) mjesečne nagrade i kao dobitnik 1 (jedne) Glavne nagrade.

## VII VRIJEME IZVLAČENJA I OBJAVA REZULTATA NAGRADNIH IZVLAČENJA

Nagradno izvlačenje dobitnika za period 01-30.06.2019. biće održano 15.07.2019. godine; Nagradno izvlačenje dobitnika za period 01.07-31.07.2019. biće održano 15.08.2019. godine; Nagradno izvlačenje dobitnika za period 01.08-31.08.2019. biće održano 16.09.2019. godine, a nagradno izvlačenje Glavne nagrade biće održano 15.10.2019. godine, u 12:00h, u prostorijama sjedišta Banke u Sarajevu. Banka će rezultate nagradnog izvlačenja objaviti na web stranici Banke [www.addiko-fbih.ba](http://www.addiko-fbih.ba), u roku od 8 dana od dana svakog pojedinačnog izvlačenja dobitnika.

## VIII MJESTO I ROK PREUZIMANJA NAGRADA

Nagrada će biti uručena dobitniku u sjedištu Banke u Sarajevu ili u jednoj od poslovnica Banke (adrese poslovnica su dostupne na Internet stranici [www.addiko-fbih.ba](http://www.addiko-fbih.ba)), u roku od 30 dana od dana objave rezultata nagradnog izvlačenja. Nakon isteka roka od 30 dana prestaju sve obaveze Banke prema dobitnicima.

## IX NADLEŽNOST U SLUČAJU SPORA

U slučaju spora između Banke i Učesnika nadležan je sud u Sarajevu.

## X USLOVI PREKIDA NAGRADNE IGRE

Banka može, u skladu sa važećim zakonskim propisima, prekinuti Nagradnu igru samo usljed okolnosti koje se nisu mogle predvidjeti, izbjeci ili otkloniti i na koje se nije moglo uticati.

## XI OBJAVA PRAVILNIKA NAGRADNE IGRE

Učesnici će biti upoznati sa ovim Pravilima putem najmanje jednog dnevnog lista koji izlazi na teritoriji Federacije BiH, u skladu sa Članom 6 Pravilnika o sadržaju pravila, uslovima i načinu priređivanja nagradnih igara, u kojem će Pravila biti objavljena. Tokom trajanja Nagradne igre Pravila će biti dostupna i na web stranici Banke: [www.addiko-fbih.ba](http://www.addiko-fbih.ba). Ispunjavanjem uslova za učestvovanje u Nagradnoj igri Učesnici prihvataju pravila i obaveze iz ovih Pravila.

## XII ZAVRŠNE ODREDBE

Banka će moći, u svrhu marketinške i PR promocije Nagradne igre, Nagradnoj igri izmijeniti promotivni naziv, što će biti regulisano posebnom odlukom Uprave. Ova Pravila se primjenjuju po dobijanju saglasnosti Federalnog ministarstva finansija-financija i po objavljivanju u dnevnim novinama, a važe do završetka Nagradne igre.

Broj: 05-15-1-455/19-T.B.  
Sarajevo, 20.05.2019. godine



Sanela Pašić,  
predsjednik Uprave  
Addiko Bank d.d. Sarajevo

**Addiko Bank**  
Gdje je 2+2=4